

Ujedinjeni Arapski Emirati (UAE)

Ujedinjeni Arapski Emirati (UAE) su država na obali Perzijskog i Omanskog zaljeva. Nalaze se na istoku Arapskog poluotoka u jugozapadnoj Aziji. Graniče se na jugu i zapadu sa Saudijskom Arabijom, te na istoku sa Omanom. UAE čine sedam Emirata: **Abu Dabi (Abu Dhabi)**, **Dubai (Dubai)**, **Šardža (Sharjah)**, **Ajdžman (Ajman)**, **Um Al Kvaiu (Umm Al Quwau)**, **Ras of Kajma (Ras Al Khaimah)** i **Fudžera (Fujairah)**. Svi su smješteni na obalama Perzijskog zaljeva, osim Fudžere koja izlazi na more na obali Omanskog zaljeva, na istočnoj strani poluotoka Musandam.

Klima u UAE je vruća i suha tokom cijele godine.

Pješčana pustinja zauzima većinu zemlje, tako da osim palmi datula u oazama sjeveroistočnih Emirata rastinje je uglavnom rijetko, vegetacija se uglavnom nalazi u i oko najvećih gradova, gdje uspijeva rasti jedino natapanjem.



Stanovništvo: samo 25% stanovnika su državljani UAE, a ostatak čine strani radnici iz Južne Azije i susjednih Arapskih zemalja. Državljeni su uglavnom Arapi muslimani Suniti, iako ima i Šita.

Temelj gospodarstva Emirata čini proizvodnja nafte. Danas se UAE smatraju trećim proizvođačem nafte na Bliskom istoku, iza Saudijske Arabije i Irana. Najvećim rezervama raspolaže Abu Dabi, a pretpostavlja se da su rezerve Dubai pri kraju.

Vlast u UAE je podijeljena između dva najveća Emirata, tako da mjesto predsjednika zauzima Emir Abu Dabi, a premijer Emir Dubaia. Zvanični jezik je arapski, iako se engleski govori apsolutno svuda.

Najbolje vrijeme za posjetu UAE je između oktobra i aprila.

Klima	Jan.	Feb.	Mart	Apr.	Maj	Jun	Jul	Avg.	Sept.	Okt.	Nov.	Dec.
dnev. temp. °C	23	24	28	30	34	38	40	40	37	32	28	25
noćna tem. °C	13	14	16	19	23	26	29	30	28	24	19	16
temp. vode °C	20	21	23	24	27	28	30	32	27	27	25	24
sunč. sati dnevno	8	8	8	10	12	12	10	10	10	10	9	8
kišnih sati mjesečno	1	2	1	2	1	0	0	0	0	0	1	1

Sharjah je treći po veličini Emirat i jedini Emirat čije se granice bar jednim dijelom dodiruju sa svih šest Emirata. Ovaj Emirat je postao vodeći centar obrazovanja, ali i umjetnosti u UAE. Zahvaljujući vladaru (emiru) dr. Sultan bin Muhamed al Kasim, koji je osnovao Američko sveučilište, na kojem nastavu pohađa 5000 učenika, 80 različitih nacionalnosti. UNESCO je ovaj grad 1998. godine proglasio kulturnom prijestolnicom arapskog svijeta. Međutim, ubrzani hod ka sveopćem obrazovanju i višem stupnju znanja, ovdje u stopu prati kruti zakon o pristojnom ponašanju (uveden 2001. godine) u kome je naglašen konzervativni način oblačenja žena i muškaraca, kao i zabrana prodaje alkohola.

Umm Al Quwau znači „Majka dviju sila“ je jedan od Emirata u UAE. Nalazi se na sjeveru zemlje. Obuhvaća površinu od 800 četvornih kilometara i proteže se od lijepe bujne zelene priobalne obale Perzijskog zaljeva u unutrašnjosti, preko pješčanih dina, do plodne oaze koja okružuje Faloy Al Moalla. Najbrže rastuće mjesto za ekstremne sportove. Dreamland Aque park, najveći svjetski vodeni park (25 vodenih i nevodnih atrakcija za djecu i odrasle), Akvarij, Camel trke...

Ajman, Emirat koji posjeduje određeni šarm zbog svoje veličine (najmanji emirat) i intimniji ugođaj, bez gradske vreve. Predivno mjesto za provesti vrijeme na suncu, kupanju u moru, uz bogatu hotelsku uslugu.

Fujairah je najmlađi Emirat, sa predivnim pješčanim plažama, ujedno i jedini Emirat koji je planinski. U Fudžeri se nalazi i najstarija džamija Bidya, poznata i kao „Uthman džamija“. Graniči se sa Omanom i izlazi na Indijski ocean.

Ras Al Khaimah u slobodnom prijevodu „Vrh šatora“, prije znan kao Julfar, nalazi se na sjeveru zemlje uz granicu sa Omanom. Izgradnjom hotelskih kompleksa Ras of Kajma postao je nova turistička destinacija sa svojim predivnim plažama.